



Medlem for Inatsisartut  
Sara Olsvig

20. juni 2013  
Sagsnr. 2012-062828  
Dok.nr. 1251677

### §37 Akissut Arktisk Råd

Inatsisartut suleriaasianni § 37 naapertorlugu Inatsisartunut ilaasortaq Sara Olsvig Naalakkersuisunut imaattunik apeqquteqarpoq; Apeqqutit tullerriaarlugit imatut akissuteqarfigissavakka:

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl

Apeqqut:

1. Naalakkersuisut uppermarsarsinnaavaat, Issittumi Siunnersuisoqatigiinni suleqatigiissitaq Arctic Monitoring and Assessment Programme (AMAP) ukioq manna Nuummi ataatsimiittussaasimagaluaq, Kalaallit Nunaatali Issittumi Siunnersuisoqatigiinnut peqataajumajunnaarnera pissutigalugu ataatsimiinnissaq maanna Savalimmiuni pisussanngormat?

Naalakkersuisut aalajangerput Issittumi Siunnersuisoqatigiinni peqataasarnerit tamarmik, suleqatigiissitaliat ataatsimiittarneri ilanngullugit, unitsinneqarallassasut. Uppermarsarneqarsinnaavoq, ataatsimiinnissap Kalaallit Nunaanni ingerlanneqannginnissaa Naalakkersuisut aalajangermassuk.

2. Ukiuni tulliuuttuni ataatsimiinnerit suut Issittumi Siunnersuisoqatigiit aaqqissuuttassavaat, imaappoq naalakkersuinikkut tunngassuteqartunik ataatsimiinnerit, suleqatigiissitaliat, aalajangersimasumik tunngassuteqanngitsunik suliniutit, immikkut ilisimasallit task forcellu?

Issittumi Siunnersuisoqatigiit isumagisassaattut sulissanut aningaasaliissutigineqartartut killeqarallartillugit Namminersorlutik Oqartussat ajorluartumik Issittumi Siunnersuisoqatigiit suliniutaannut malinnaanissamut periarfissaqanngillat taamaalillutillu ukiuni tulliuuttuni Issittumi Siunnersuisoqatigiinni ataatsimiinnissat pilersaarutigineqartut tamarmiusut takussutissartaannik takussutissaqaratik. Taamaattumik Issittumi Siunnersuisoqatigiit aaqqissuussaannik ataatsimiinnissat TAMARMIUSUT takussutissartaannik pissarsiniaraanni Issittumi Siunnersuisoqatigiit allattoqarfianut suleqatigiissitalianullu ataasiakkaanut saaffignittoqartariaqarpoq.

Ukiuni tulliuuttuni Namminersorlutik Oqartussaniit Senior Arctic Officialsimi suleqatigiissitalianilu SDWG-mi, CAFF-imi, PAME-imi, AMAP-imi aamma EPPR-imi sulinerit malinnaaffigineqartarumaarput. Tamatuma saniatigut suliniummut AACA-mut

killilimillu ARR-imi immikkut ilisimasallit malinnaaffigineqartassapput. Taakkua naapeqatigiinnikkut, qarasaasiakkut attaveqaatit atorlugit ataatsimeeqatigiinnikkut imaluunniit allakkatigut ingerlanneqartassapput. Tamatuma saniatigut aalajangersimasumik suleqatigiissitaliani pinngitsoorani peqataasoqartassaaq, allanilu peqataanissat ataasiakkaarlugit nalilersuinikkut isummerfigineqartassapput.

3. Qanoq iliornikkut ataatsimiittarnemi taakkunani Kalaallit Nunatta sunniuteqaqataanissaa Naalakkersuisut qulakkeersinnaavaat, ataatsimiittarnemi taakkunani Kalaallit Nunaat toqqaannartumik peqataangippat?

Unitsitsigallanermi siunertarineqarpoq siunissami Kalaallit Nunaata Issittumi Siunnersuisoqatigiinni sunniuteqaqataasamissaata qulakkeemeqarnissaa. Ukiuni marlunni kingullerni Nunat Issittormiut Siunnersuisoqatigiivini ineriartormi Kalaallit Nunaat annikilliartuinnartumik sunniuteqaqataasalersimavoq, paarlattuanillu avataaniit peqataasartut sunniuteqameruleriartorsimallutik. Aalajangerneq ajuusaamaraluarpalluunniit tamatuma kingunerissavaa piffissami aalajangersimasumi Naalakkersuisut Nunat Issittormiut Siunnersuisoqatigiivini suleqataajunnaarmissaq toqqarsimammassuk.

4. Issittumi Siunnersuisoqatigiinni suliaqamerup iluani Naalagaaffeqatigiit akomanni piareersarluni ataatsimiinnissaannut Kalaallit Nunarput peqataasassava, imaluunniit peqataajumajunnaamerup Naalagaaffeqatigiit suliniameranni ataqatigiissaarinerit aamma eqqomeqarpat?

Naalakkersuisut Naalagaaffeqatigiinni suleqatigiinnermi unitsitsigallanngillat naalagaaffeqatigiinnermilu nunanut allanut suliat ingerlaavartumik tamakkiisumik qanimut ataqatigiissaarneqartarput.

Inussiarnersumik inuulluaqquusillunga,



Steen Lyngé

Naalakkersuisut siulittaasuata tullia